



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-01-04- *10042* /20
Sarajevo, 06. 05.2020. god.

SKUPŠTINA KANTONA SARAJEVO

-Predsjedavajući Skupštine -

O v d j e

PREDMET: Odgovor na zastupničku inicijativu, daje se

Na 22. Radnoj sjednici Skupštine Kantona Sarajevo, održanoj dana 11.03.2020. godine u okviru tačke Dnevnog reda: "Poslanička/zastupnička pitanja, inicijative i odgovori" a u skladu sa Poslovnikom Skupštine Kantona Sarajevo zastupnica Vildana Bešlija uputila je zastupničku inicijativu:

„ Vladi kantona Sarajevo, tačnije resornom ministarstvu upućujem inicijativu za izmjenu Zakona o administrativnim taksama („Službene novine Kantona Sarajevo“, broj 30/2001- prečišćeni tekst, 22/2002, 10/2005, 26/2008, 23/2016) ukidanje takse na registraciju obrta, a u cilju motiviranja obrtnika da registruju obrt.“

Образложење:

Uzimajući u obzir da sam ovakvu inicijativu podnijela prethodnoj Vladi, a odnosi se na izmjenu Zakona o administrativnim taksama „Službene novine Kantona Sarajevo“, broj 30/2001- prečišćeni tekst, 22/2002, 10/2005, 26/2008, 23/2016) u cilju motiviranja obrtnika da registruju obrt, te na osnovu saznanja da su neke odluke povučene iz procedure, upućujem istu inicijativu i molim da istu razmotrite.

Tražim da razmotrite opravdanost izmjene člana 20. Odjeljak 3. Zakona o administrativnim taksama („Službene novine Kantona Sarajevo“, broj 30/2001- prečišćeni tekst, 22/2002, 10/2005, 26/2008, 23/2016) koji se odnosi na privredne takse i to konkretno tarifnog broja 19.2.

Tarifni broj 19.2. zakona odnosi se na visinu administrativne takse potrebne za izdavanje rješenja kojim se odobrava osnivanje ili obavljanje privrednih i profesionalnih djelatnosti ostalih subjekata.



web: <http://mf.ks.gov.ba>
e-mail: mf@mf.ks.gov.ba
Tel: +387 (0) 33 565-005, Cent.+ 387 (0) 33 565-000
Fax: +387 (0) 33 565-052 i 565-048
Sarajevo, Maršala Tita 62



Iznos administrativne takse za osnivanje i bavljenje obrtom, bio on osnovno ili dodatno zanimanje, je 80 KM. Radi se o iznosu koji se uplaćuje na račun općine prilikom preuzimanja rješenja. Smatram da ukupni troškovi pribavljanja dokumentacije guše želju mnogih obrtnika da registruju svoj obrt.

Vlada Kantona Sarajevo bi trebala ozbiljno razmotriti racionalizaciju iznosa ovog tarifnog broja. Trenutno je jako puno naših sugrađana i sugrađanki bavi sitnim, kućnim obrtom kao dodatno zanimanje, a predug proces i troškovi registracije ih obeshrabruje da se na istu i odluče.

S obzirom da je Kanton Sarajevo svake godine izdvajao značajna finansijska sredstva za poticaj male privrede, smanjenje iznosa takse za registraciju obrta može biti direktan vid kantonalne pomoći za male privrednike u kantonu sarajevo, što se može i na ovaj način realizovati kroz eventualno smanjenje izdataka u sklopu ovog programa.

Pokažimo da smo kanton koji cijeni poduzetnički duh i samoinicijativu građana.

Odgovor

Vežano za zastupničku inicijativu uvažene zastupnice Bešlija Vildane dajemo slijedeći odgovor: Zakonom o ublažavanju negativnih ekonomskih posljedica i uštedama u Kantonu Sarajevo propisano je ukidanje plaćanja administrativne takse za spise i radnje kod organa uprave i pravnih lica koja imaju javna ovlaštenja na području Kantona Sarajevo, od stupanja na snagu zakona i 60 dana po prestanku nesreće uzrokovane pojavom coronavirusa.

Dostaviti:

1. Naslovu
2. Stručnoj službi Vlade
3. MF-Sekretar
4. a/a

Pripremila: Zejna Avdić, sekretar I



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62

